

զտեղին: Յանդիման եղեւ Անդրիաս տտենին, եւ յետ լսելոյ զամբաստանութիւնս նոցա՝ առաջի արար զմուրհակս գրեալ օրինօք Շէրիի, որ լեալ էր տեղին սեփհական մի- արանացն Հայոց աւելի քան զամս 20. եւ յայտնի եղեւ ստութիւն այլազգեաց. եւ զատաւորն մերժեաց զնոսա յերեսաց իւրոց, և վերատին գրով հաստատեաց զտեղին: Թէպէտ և ելին արտաքս այլազգիք՝ ի դատարանէ առանց բանս ինչ ասելոյ, բայց եղին ի մոտի հասուցանել չարիս ի գլուխս Հայոց ի գէտ ժամանակի: Եւ չեւ եւս բոլորեալ էր շրջան տարւոյն, ահա աղմկեալ շփոթեցան, և յարու- ցեալ ի վերայ միաբանաց՝ խնդրէին զվանս Ս. Փրկչի՝ ըզ- պարտէզն և զգերեզմանատունն, և տաղնապէին պահան- ջելով զքսակս գրամոց՝ որոց չէր հնար հատուցանել զայնս, և յառաւելն նեղիլ և ի չգտանել յուստեքէ սատար փր- կութեան, բողոք կարդացին ի Դուռն Արքայի. յայտ ա- րարեալ զրոնութիւնս այլազգեաց Սիոնի: Լուեալ ար- քայի գտառապանս Հայոց, գրեաց հրովարտակ առ քաղա- քապետն և առ դատաւորն Երուսաղէմի՝ առնել իրաւունս, եթէ անցեալ իցէ ասէ՝ ի վերայ խնդրոյն այսորիկ ամս 15. մի՛ երբէք ունկն մատուցիք բանից այլազգեաց, և եթէ նոքա հսկառակ օրինաց և Կայսերական հրամանին՝ չարժեւ կամին, որպէս յայտ արարին Հայք, արգելլիք զնոսա՝ եւ մի՛ թողուցուք լինել ձեռնամուխ ի գործս նոցա, և եթէ ոք անսաստ գտցի հրամանին՝ ազդ արասցիք աստ ի Դու- րն, ԳՂԿ (1564):

Յետ վճարելոյ միաբանաց զգատս՝ որ ընդ այլազգիս, կամեցան նորոգել զաւերեալ տեղիս Ս. Փրկչի վանաց. սակայն այլազգիք Սիոնի՝ և այլք խափանեցին զգործն, զի պահանջէին ի նոցանէ զինչս բազումս, իրբեւ ոչ կարացին հաճել զմիտս նոցա, յայտ արարին զխնդիր իւրեանց ի Դուռն Արքունի, եւ առին հրովարտակ, զի դատաւորն արգելցէ նովաւ զբռնութիւնս այլազգեաց, և առանց պա- հանջելոյ զիրս ինչ, տացէ նորոգել Հայոց զվանս իւրեանց: Եւ մինչդեռ պատաղեալ էին այսու խնդրով՝ Պաշտուր եպիսկոպոս եհան հրովարտակ յԱրքունուստ նորոգել նա և զվանս Բեթղէհէմի, զի այլազգիք ընդդիմանային այնմ եւս, ԳՂԿ (1565):